



**ISLAMSKA ZAJEDNICA
U BOSNI I HERCEGOVINI**
Muftijstvo sarajevsko

HAFIZI ŠKOLE HIFZA MUFTIJSTVA SARAJEVSKOG 2017-2022.

SADRŽAJ

PUNKT: **SULTAN FATIHOVA – CAREVA DŽAMIJA** **8**

MUHAFIZ – HAFIZ MR. SADRUDIN-EF. IŠERIĆ 8

MUHAFIZ – HAFIZMR. VEDAD-EF. KASUMOVIĆ 9

HAFIZA MELIHA ŠEHIĆ 9

HAFIZ MUJO ALIHODŽIĆ 10

HAFIZ HAMZA DURMIĆ 10

HAFIZ IMRAN GUŠIĆ 11

HAFIZ ABDULLAH IŠERIĆ 11

HAFIZA AMINA IŠERIĆ 12

HAFIZ AMAR DEDIĆ 13

HAFIZ SIRADŽUDIN HADŽIBAJRIĆ 14

PUNKT: **ŠEHADET** **15**

MUHAFIZ – HAFIZ MENSUD ĐULOVIĆ 15

MUHAFIZ – FUAD-EF. GOLIĆ 16

HAFIZA DŽENISA PLEH 17

HAFIZA ZERISA PLEH 17



PUNKT: ŠEREFUDDINOVA - BIJELA DŽAMIJA, VISOKO **18**

MUHAFIZ – HAFIZ EDIN-EF. BUKVA 18

HAFIZ MR. AMIR-EF. MAHIĆ 19

HAFIZ MAHIR KEVRIĆ 20

HAFIZA BERINA NJEGOVIĆ-MUJKIĆ 21

PUNKT: ILIJAŠ – ISTIKLAL **22**

MUHAFIZ – HAFIZ MR. MAID-EF. IBRAHIMOVIĆ 22

HAFIZA LAMIJA HAMZAKADIĆ 23

HAFIZA NASIHA IMAMOVIĆ 24

HAFIZA BELKISA MURTIĆ-FELIĆ 25

HAFIZ OMAR KUPUS 26

PUNKT: KAKANJ **27**

MUHAFIZ – HAFIZ IBRAHIM ALPARSLAN 27

MUHAFIZ – MR. ELVEDIN-EF. IBRAHIMSPAHIĆ 28

MUHAFIZ – DŽEMIL-EF. GADŽUN 29

HAFIZA LAMIJA ŠEHIĆ 30

HAFIZ ISA BARAKAT 31

HAFIZ ABDULAH BARAKAT 32

HAFIZA AMILA ČALUK 32



PUNKT: **STUP** **33**

MUHAFIZ – HAFIZ MR. ABDUSSAMED-EF. PODOJAK 33

HAFIZ HAMZA ĆELOVIĆ 34

HAFIZA IMAN SILAJDŽIĆ 35

PUNKT: **VOGOŠĆA** **36**

MUHAFIZ – HAFIZ HIKMET-EF. DŽANKO 36

HAFIZ SAMI BALAŠ 37

HAFIZ DAVUD ZEĆO 37





MUFTIJSTVO SARAJEVSKO SLUŽBA ZA VJERSKE POSLOVE I OBRAZOVANJE ŠKOLA HIFZA MUFTIJSTVA SARAJEVSKOG

“Mi, uistinu, Kur’an objavljujemo i zaista ćemo Mi nad njim bdjeti!” (Hidžr,9)

Riječ hafiz dolazi od arapskog glagola **حَفَظَ** - **يَحْفَظُ** (hafeza-jahfezu), što znači “[sa]čuvati, paziti, bdjeti nad, motriti na, brinuti se o, zaštititi”.

Pod terminom hifz misli se na proces memoriranja kur’anskog teksta u cjelosti ili nekog njegovog dijela. Hifz jezički znači “čuvanje, zaštita, pamćenje, memoriranje, zadržavanje, obustavljanje, konzerviranje, oprez, pridržavanje, očuvanje, održanje”.

Osoba koja u cjelosti nauči Kur’an napamet zove se hafizul-Kur’anil-kerim (čuvar Časnog Kur’ana). Osman ibn Affan, r.a., prenosi da je Muhammed, s.a.v.s., rekao: “Najbolji među vama su oni koji Kur’an nauče i njemu druge podučavaju.”

Muhammed, s.a.v.s., je pamtio ono što mu je Džibril, a.s., donosio, pa je on ujedno bio i prvi hafiz Kur’ana, a Džibril je bio njegov muhaffiz (učitelj).

U našoj islamskoj tradiciji Bošnjaka mektebi i nekadašnje mualimhane su imali ključnu ulogu u učenju i upućivanju u Kur’an. U mektebima je težište bilo na učenju Kur’ana te je prvo opismenjavanje išlo posredstvom Kur’ana.

Program Škole hifza za djecu i omladinu je pokrenut 2017. godine i jedan je od značajnijih projekata Muftijstva sarajevskog.

Program u školi predstavlja institucionalno učenje hifza kroz obrazovanje Islamske zajednice (IZ) što je samo nastavak institucije koja datira od voljenog poslanika Muhameda, a.s. Škola je predviđena za djecu i mlade koji su ranije prošli kroz mektebe i usvojili znanja na mektepskoj pouci. Postoji izvrsna sinergija mektepske pouke i Škole hifza, imami i imami muhaffizi zajedno rade i jačaju oba segmenta vjerskog obrazovanja. Ovi segmenti institucionalnog obrazovanja IZ će se, ako Bog da, u budućnosti jačati.



Hifz zahtijeva predan i kontinuiran rad, a osnivanjem Škole hifza i njenim djelovanjem, napravljen je važan korak, što potvrđuje sve veći broj hafiza. U procesu koji prolaze, djeca i mladi stasavaju u perspektivne i društveno odgovorne članove društva.

Na području Muftiluka sarajevskog postoji 18 punktova: Sultan Fatihova džamija, Džamija Donji Velešići, Bosanska džamija - Alipašino Polje C faza, Džamija Omer ibn Hattab - Stup, Džamija u Sokolović Koloniji, Centralna džamija u Vogošća, Centralna džamija Hadžići, Centralna džamija Ilijaš, Šerefuddin Bijela džamija Visoko, IC Hanovi Visoko, Džamija u Gračanici, Čaršijska džamija u Kaknju, Čaršijska džamija u Kiseljaku, Čaršijska džamija u Fojnici, Gradska džamija u Brezi, Čaršijska džamija u Varešu, Džamija Gornje Olovo i Džamija Olovske Luke.

Nastava u Školi hifza odvija se u pet nivoa: hifz Amme džuzua, hifz 29. džuzua, hifz 28. džuzua, hifz 26. i 27. džuzua te hifz cijelog Kur'ana. Škola hifza ima svoj godišnji plan i program. Nastava se odvija tri puta sedmično po dva sata. Škola hifza ima jednogodišnje takmičenje polaznika u različitim kategorijama.

Više od 25. polaznika Škole hifza Muftijstva sarajevskog upotpunilo je učenje Ku'ana napamet, te steklo titulu hafiza pred Komisijom za hifz Rijasetu Islamske zajednice u Bosni i Hercegovini.

“A kad čvrsto odlučiš, pouzdaj se u Allaha”. (Ali 'Imran, 159)



Punkt:
SULTAN FATIHOVA – CAREVA DŽAMIJA

MUHAFIZ – HAFIZ
MR. SADRUDIN-EF. IŠERIĆ

Hafiz Sadrudin Išerić rođen je 10. juna 1973. godine u općini Sokolac. Osnovno obrazovanje završio je u Sarajevu. Potom upisuje Gazi Husrev-begovu medresu u Sarajevu, a istu završava neposredno pred agresiju na Bosnu i Hercegovinu, školske 1991/1992. godine. Odmah na početku agresije priključuje se Armiji Republike Bosne i Hercegovine, te u njoj ostaje sve do 24. aprila 1994. godine. Hifz završava 10. juna 1993. godine u svojoj dvadesetoj godini života. Nakon stjecanja titule hafiza, 1994. godine odlazi na školovanje u Pakistan. Na Međunarodnom islamskom univerzitetu Islamabad završava studij na Fakultetu Usuli-d-din, Odsjek za akaid i komparativne religije te upisuje postdiplomski studij na Odsjeku za akaid i islamsku filozofiju na istom fakultetu. Odslušao je predavanja i položio ispite predviđene Nastavnim planom i programom kroz četiri semestra. Zbog teške situacije u Pakistanu, krajem 2001. godine hafiz Sadrudin se vraća u Bosnu i Hercegovinu, a svoje daljnje akademsko usavršavanje nastavlja na Fakultetu islamskih nauka u Sarajevu. Od 2002. godine obnaša dužnost imama, hatiba i muallima Sultan Fatihove - Careve džamije u Sarajevu. Voditelj je Škole hifza Medžlisa Islamske zajednice Sarajevo i koordinator Škole hifza za područje Muftijstva sarajevskog. Magistrirao je na Fakultetu islamskih nauka u Sarajevu 2021. godine. Član je Sabora Islamske zajednice u Bosni i Hercegovini u periodu od 2018. do 2022. godine. U svom dosadašnjem radu je izveo osam hafiza. Aktivno govori arapski i engleski jezik. Oženjen je i otac šestero djece.



MUHAFIZ – HAFIZ MR. VEDAD-EF. KASUMOVIĆ

Hafiz Vedad Kasumović, sin Suada i Šahe, rođen je 28. jula 1991. godine u Tuzli. Osnovnu školu i mekteb završio je u rodnom mjestu Poljice, smještenom u općini Lukavac. Školovanje u Behram-begovoj medresi okončava 2010. godine s odličnim uspjehom. Hifz je položio pred Komisijom za hifz Rijaseta Islamske zajednice u Bosni i Hercegovini 30. decembra 2013. godine. Hafizu Vedadu Kasumoviću, dok je bio učenik Behram-begove medrese, muhaffiz je bio hfz. Mirnes-ef. Spahić, dok je na Fakultetu islamskih nauka u Sarajevu njegov muhaffiz bio kurra hafiz prof. dr. Dževad-ef. Šošić. Magistarski rad je odbranio na Fakultetu islamskih nauka u Sarajevu 2020. godine. Imam je u džematu Stara Breka.



HAFIZA MELIHA ŠEHIĆ

Hafiza Meliha Šehić, kći Zijada i Zemke, rođena je 1996. u Kaknju. Nakon osnovne škole, završava Gimnaziju „Muhsin Rizvić“ u svom rodnom gradu. Zatim upisuje Medicinski fakultet Univerziteta u Sarajevu. Diplomirala je 2021. godine i trenutno radi u Domu zdravlja Travnik kao doktor medicine na Odjelu pedijatrije. Hifz je učila godinu dana pred muhaffizom mr. hfz. Sadrudin-ef. Išerićem, imamom Sultan Fatihove - Careve džamije u Sarajevu. Pred Komisijom za hifz Rijaseta Islamske Zajednice u Bosni i Hercegovini polagala je u periodu od 16. do 30. septembra 2020. godine, učeći po dva džuzua dnevno.



HAFIZ MUJO ALIHODŽIĆ

Hafiz Mujo Alihodžić rođen je 12. marta 2003. godine u Sarajevu. Nakon završene Srednje škole poljoprivrede, prehrane, veterine i uslužnih djelatnosti u Sarajevu upisuje Fakultet islamskih nauka u Sarajevu, gdje je trenutno prva godina studija. Hifz je polagao pred Komisijom za hifz Rijaset Islamske zajednice u Bosni i Hercegovini u periodu od 19. februara do 5. marta 2022. godine. Muhaffiz mu je bio mr. hfz. Sadrudin-ef. Išerić. Hafiska dova je proučena u Sultan Fatihovoj - Carevoj džamiji 19. marta 2022. godine.



HAFIZ HAMZA DURMIĆ

Hafiz Hamza Durmić, sin Rusmine i Fuada, rođen je 15. novembra 1997. godine u Sarajevu. Završio je Osnovnu školu „Zajko Delić“, a zatim i Srednju mašinsku školu. Mektepsku nastavu pohađao je u džematu Šip, kod svoga muallima Miralem-ef. Babajića, pred kojim je i počeo učiti stranice Kur'ana napamet. Pokretanjem Škole hifza Medžlisa Islamske zajednice Sarajevo priključuje se i nastavlja hifz pred muhaffizom mr. hfz. Sadrudin-ef. Išerićem. Napamet je proučio cijeli Kur'an pred Komisijom za hifz Rijaset Islamske zajednice u Bosni i Hercegovini i tako stekao titulu hafiza Kur'ana Časnog. Hafiska dova je proučena u Carevoj džamiji 5. jula 2020. godine.



HAFIZ IMRAN GUŠIĆ

Hafiz Imran Gušić, sin Elmedina i Maje, rođen je 2. maja 2007. godine u Sarajevu. Završio je Osnovnu školu „Safvet-beg Bašagić” kao odličan učenik. Hifz je počeo učiti u septembru 2019. godine na punktu Sultan Fatihova džamija, kod muhaffiza mr. hfz. Sadrudin-ef. Išerića. U toku školovanja ostvario je značajne rezultate na takmičenjima iz Matematike i Fizike. Od svoje sedme godine bavi se džudom, u kojem je ostvario značajne rezultate od kojih se naročito izdvaja to da je višestruki federalni i državni prvak, kao i osvajač Balkanske medalje, ali i medalja s brojnih drugih međunarodnih takmičenja. Trenutno je učenik prvog razreda Prve bošnjačke gimnazije u Sarajevu.



HAFIZ ABDULLAH IŠERIĆ

Hafiz Abdullah Išerić, sin hfz. Sadrudina i Sadžide, rođen je 19. aprila 2003. godine u Sarajevu. Završio je Osnovnu školu „Vrhbosna” u Sarajevu s odličnim uspjehom i primjernim vladanjem. Svršenik je Gazi Husrev-begove medrese, gdje je tokom školovanja ostvario odličan uspjeh. U osnovnoj školi je sudjelovao na takmičenjima iz robotike u Hrvatskoj i Kini, što ga je uvelo u svijet informatičkih znanosti. Student je prve godine Elektrotehničkog fakulteta Univerziteta u Sarajevu. Hifz je učio kod svog babe, muhaffiza mr. hfz. Sadrudin-ef. Išerića. Sedmi je hafiz u porodici, deveti u svojoj generaciji učenika Gazijine medrese, te sedamnaesti hafiz Škole hifza Muftijstva sarajevskog.



HAFIZA AMINA IŠERIĆ

Hafiza Amina Išerić, kći hfz. Sadrudina i muallime Sadžide, rođena je 14. januara 2001. godine u Islamabadu, Pakistan. Pohađala je Osnovnu školu „Vrhbosna” u Sarajevu. Gazi Husrev-begovu medresu upisuje 2015. godine, a završava 2019. godine. Trenutno je studentica četvrte godine Medicinskog fakulteta Univerziteta u Sarajevu. Pohađala je mekteb Sultan Fatihove - Careve džamije, koji je predstavljala na mektepskim takmičenjima iz Kiraeta na nivou Medžlisa, Muftijstva i Rijasetu, a na kojima je postizala zapažene rezultate: prvo mjesto na nivou Rijasetu mlađi uzrast i treće mjesto na nivou Rijasetu stariji uzrast. Hifz je učila pred svojim ocem i muhaffizom mr. hfz. Sadrudin-ef. Išerićem, da bi ga okončala 2018. pred Komisijom za hifz Rijasetu Islamske zajednice u Bosni i Hercegovini, u periodu od 27. augusta do 10. septembra, a u sastavu h. hfz. Ismet-ef. Spahić, predsjednik, doc. dr. hfz. Mensur-ef. Malkić, član te hfz. Haso-ef. Popara, član. Hafiza Amina je peti hafiz u porodici Išerić i prvi hafiz u porodici Ramić, a ujedno i treći hafiz Škole hifza Kur'ana Časnog Muftijstva sarajevskog.



HAFIZ AMAR DEDIĆ

Hafiz Amar Dedić rođen je 30. jula 1999. godine u Sarajevu. Završio je Drugu osnovnu školu u Hrasnici. Mekteb je pohađao kod Elmedin-ef. Hodžića, gdje je naučio čitati prve stranice Kur'ana u svojoj četrnaestoj godini. Završio je srednju Elektrotehničku školu u Sarajevu. Hafiz Amar se priključuje Školi hifza na punktu Careva džamija u januaru 2016. godine, gdje sa svojim muhaffizom hfz. Vedadom Kasumovićem započinje svoje prve korake u hifzu. Hifz je učio dvije godine i šest mjeseci, da bi u julu 2018. godine proučio čitav Kur'an napamet pred Komisijom za hifz Rijaseta Islamske zajednice u Bosni i Hercegovini. Hafiska dova je proučena u Sultan Fatihovoj - Carevoj džamiji u Sarajevu. Danas, hafiz Amar studira arapski jezik na Filozofskom fakultetu gdje u statusu apsolventa privodi kraju svoj studij. Također, studira informacione tehnologije na Prirodno-matematičkom fakultetu i svoju karijeru planira graditi u oblasti tehnologije.



HAFIZ SIRADŽUDIN HADŽIBAJRIĆ

Hafiz Siradžuddin Hadžibajrić, sin Selima i Belkise, rođen je u Sarajevu 27. januara 1999. godine. Osnovnu školu „Mula Mustafa Bašeskija” završio je u Sarajevu. Gazi Husrev-begovu medresu je završio školske 2017/2018. godine. Tokom školovanja je postizao odličan uspjeh i primjerno vladanje u svim razredima, a u drugom razredu medrese je aktivno počeo i s memoriranjem Kur’ana. Hifz je učio pred muhaffizom mr. hfz. Sadrudin-ef. Išerićem, imamom Sultan Fatihove - Careve džamije u Sarajevu. Polaganje hifza je trajalo od 12. do 26. novembra 2019. godine pred Komisijom za hifz Rijaseta Islamske zajednice u Bosni i Hercegovini, koju su činili: kurra hafiz prof. dr. Dževad Šošić, hafiz dr. Muhamed Čajlaković, hafiz dr. Dževad Hrvaić i hafiz doc. dr. Abdul-Aziz Drkić. Trenutno je student završne godine Fakulteta islamskih nauka.



Punkt: **ŠHADET**

MUHAFIZ – HAFIZ MENSUD ĐULOVIĆ

Hafiz Mensud Đulović, sin Šahin-ef. i Mejre, rođen je 1979. godine u Tuzli. U rodnom mjestu, Suha kod Živinica, je završio osnovnu školu, a 1997. godine završava Behram-begovu medresu u Tuzli. Nakon toga, 1998. godine odlazi u Jordan gdje provodi godinu dana s ciljem usavršavanja arapskog jezika. Po povratku iz Jordana upisuje Fakultet islamskih nauka u Sarajevu koji uspješno završava 2003. godine. Hifz Kur'ana Časnog je uspješno položio pred Komisijom za hifz Rijaseta Islamske zajednice u Bosni i Hercegovini 2001. godine. Radio je kao imam Džamije Kralj Fahd u Sarajevu od 2001. do 2004. godine, a potom i kao imam džemata Dobrinja 3b, Medžlisa Islamske zajednice Sarajevo, u periodu od 2004. do 2017. godine. Od 2008. do 2014. godine je radio honorarno kao profesor Kiraeta Kur'ana u Gazi Husrev-begovoj medresi, a od 2017. godine pa do danas na tom radnom mjestu je zaposlen kao redovan profesor. U svojstvu muhaffiza do sada je izveo jedanaest kandidata koji su pred njim uspješno položili hifz Kur'ana Časnog. Član je Komisije za polaganje hifza Rijaseta Islamske zajednice u Bosni i Hercegovini. Učestvovao je u izradi planova i programa rada Škole hifza Medžlisa Islamske zajednice Sarajevo u njenim počecima. Dugogodišnji je član komisija na takmičenjima koja organizuje Islamska zajednica na svim nivoima iz domena Kiraeta. Preveo je knjigu „Poslanikove upute” dr. Enesa Kerzuna i autor je knjiga „Vodič kroz Medinu” i „Vodič kroz Mekku”. Oženjen je i ima troje djece.



MUHAFIZ – FUAD-EF. GOLIĆ

Fuad-ef. Golić, sin Zijada i Hajrije, rođen je 4. decembra 1991. godine u Srebrenici. Svršenik je Karadžoz-begove medrese u Mostaru i teološkog smjera na Fakultetu islamskih nauka u Sarajevu. Učenje hifza započinje u medresi pred kurra hzf. Arminom Abazom, a nastavlja pred prof. dr. hzf. Kenanom Musićem. Voditelj je Škole hifza Kur'ana Časnog na punktu Šehadet, na nivou Medžlisa Islamske zajednice Sarajevo, u periodu od 2015. do 2019. godine. Kao muhaffiz i muallim, učesnik je brojnih takmičenja iz učenja Kur'ana, kako na nivou Medžlisa tako i na nivou Rijasetu. Sa svojim učenicima je na takmičenjima u učenju i hifzu Kur'ana ostvario zapažene rezultate, a jedno od njih jeste i takmičenje u Tešnju gdje su u kategoriji pet džuzeva napamet osvojili prvo mjesto. Preko pedeset učenika su pred Fuad-ef. memorirali „Amme džuz“, dok je više od deset učenika naučilo preko deset džuzeva, a dvije su učenice i kompletirale hifz Kur'ana Časnog. Fuad-ef. Golić je trenutno u fazi pripreme za polaganje hifza pred Komisijom za hifz Rijasetu Islamske zajednice u Bosni i Hercegovini. Imam, hatib i muallim je u džematu Vrelo Bosne - Plandište, pri Medžlisu Islamske zajednice Sarajevo. Oženjen je i otac dvoje djece.



HAFIZA DŽENISA PLEH


Hafiza Dženisa Pleh, kći Amela i Saime, rođena je 3. novembra 2001. godine u Sarajevu. Osnovnu školu „Mehmedalija Mak Dizdar“ završila je u Sarajevu. Nakon toga upisuje Gazi Husrev-begovu medresu koju završava 2021. godine. Trenutno je studentica druge godine Farmaceutskog fakulteta Univerziteta u Sarajevu. Njen muhaffiz bio je hfz. Mensud-ef. Đulović. Hifz je položila u januaru 2017. godine pred Komisijom za hifz Rijasetu Islamske zajednice u Bosni i Hercegovini.



HAFIZA ZERISA PLEH

Hafiza Zerisa Pleh, kći Amela i Saime, rođena je 30. septembra 2004. godine u Sarajevu. Osnovnu školu „Aneks“ završila je u Sarajevu, a Gazi Husrev-begovu medresu je upisala školske 2019/2020. godine.

Prve korake hifza Zerisa je napravila u mektebu džemata Aneks pred Asim-ef. Hubijarom. Aktivnije učenje započinje pred hafizom Mahirom Vlajčić, da bi svoj put nastavila kroz Školu hifza Kur'ana Časnog, na punktu Šehadet, pred Fuad-ef. Golićem. Za polaganje hifza pripremio ju je hfz. Mensud Đulović, profesor Kiraeta u Gazi Husrev-begovoj medresi. Hifz je položila 20. januara 2021. godine, proučivši posljednje stranice Kur'ana pred Komisijom za hifz Rijasetu Islamske zajednice u Bosni i Hercegovini. Trenutno je učenica četvrtog razreda Gazi Husrev-begove medrese u Sarajevu.





Punkt:
ŠEREFUDDINOVA - BIJELA DŽAMIJA, VISOKO

MUHAFIZ – HAFIZ EDIN-EF. BUKVA

Hafiz Edin-ef. Bukva, sin Omera i Fatime, rođen je 30. jula 1974. u Visokom. Svršenik je Gazi Husrev-begove medrese u Sarajevu, te Fakulteta islamskih nauka Univerziteta u Sarajevu. Hifz je počeo učiti 1991. godine, neposredno pred agresiju na Bosnu i Hercegovinu, pred rahmetli h. hfz. Halid-ef. Hadžimulićem. Zbog agresije, koja je značila prekid školovanja i nemogućnost nastavka učenja u Sarajevu, učenje hifza nastavlja u januaru 1993. godine u Visokom i završava u januaru 1994. godine učeći kod hfz. Zilko-ef. Žolje. Nakon molbe za osnivanje Komisije za hifz van Sarajeva, hafiz Edin izlazi pred novoosnovanu Isturenu komisiju za hifz u Zenici, gdje polaže hifz i stječe titulu hafiza. Bio je pripadnik Armije Republike BiH. Auditor je halal kvalitete Agencije za certificiranje halal kvalitete Islamske zajednice u BiH. Bio je član Sabora u mandatu 2014-2018. U istom periodu bio je i predsjednik Osnovnog odbora Ilmije Medžlisa Islamske zajednice Visoko. U više navrata bio je član Izvršnog odbora Medžlisa Islamske zajednice Visoko. Trenutno je imam Šerefuddinove - Bijele džamije u Visokom. U svom dosadašnjem radu izveo je sedam hafiza, a dvojica od njih su pred njim učili hifz od početka pa do kraja. Također, još dva hafiza uspješno priprema za komisiju, a to su hfz. Senad-ef. Ganić i hfz. Merjema Hajdarević. Nakon što je počela s radom Škola hifza Muftijstva sarajevskog 2017. godine, svoj rad na polju hifza kao muhaffiz, nastavlja u okviru te Škole, na području Medžlisa Islamske zajednice Visoko. Oženjen je i otac četiri sina, Tahira, hfz. Affana, Jusufa i Alije.



HAFIZ MR. AMIR-EF. MAHIĆ

Hafiz Amir-ef. Mahić, sin hadži Asima i hadži Šefike, rođen je u Prijedoru 3. juna 1982. godine. Osnovno obrazovanje je započeo u Kozarcu, a okončao u Francuskoj. Potom je s odličnim uspjehom završio Medresu „Reis Džemaludin-ef. Čaušević” u Cazinu i Fakultet islamskih nauka Univerziteta u Sarajevu. Na matičnom fakultetu je iz oblasti šerijatskog prava, 2016. godine, odbranio magistarski rad pod naslovom „Doktorski rad Mehmeda Begovića: De l'évolution du droit musulman en Yougoslavie”, te je nastavio doktorski studij pišući rad „Primjena šerijatskog porodičnog prava u zemljama Magreba”. Hifz je polagao od 10. do 24. aprila 2019. godine pred Komisijom za hifz Rijasetu Islamske zajednice u Bosni i Hercegovini, u čijem sastavu su bili: kurra hafiz prof. dr. Dževad-ef. Šošić (predsjednik), hafiz dr. Muhamed-ef. Čajlaković (član), hafiz dr. Dževad-ef. Hrvčić (član) i hafiz doc. dr. Abdul-Aziz efendija Drkić (član). Muhaffiz mu je bio hafiz Edin-ef. Bukva, imam Šerefuddinove - Bijele džamije u Visokom. Od 2002. godine hafiz Amir-ef. je imam u svom rodnom džematu Kamičani, a od 2007. godine obavlja idužnost glavnog imama Medžlisa Islamske zajednice Kozarac. Od 2019. godine, u svojstvu spoljnog saradnika obnaša dužnosti višeg asistenta na predmetima iz oblasti kur'anskih nauka i fik-hskih predmeta na Islamskom pedagoškom fakultetu u Bihaću. U više mandata bio je član Sabora Islamske zajednice u BiH. Oženjen je i otac petero djece, Amine, Zekerije, Lejle, Sumejje i Sumejre.



HAFIZ MAHIR KEVRIĆ

Hafiz Mahir Kevrić, sin Midhata i Zubejde, rođen je 22. oktobra 1988. godine u Visokom. Osnovnu školu je završio u rodnom gradu, nakon čega upisuje Medresu „Osman ef. Redžović” u Visokom koju završava 2007. godine. Nakon toga upisuje Fakultet islamskih nauka Univerziteta u Sarajevu, koji završava 2011. godine. Završio je i studij na Internationalnom Burch univerzitetu na Odsjeku za engleski jezik i literaturu 2013. godine. Aktivno govori engleski jezik, a služi se turskim i arapskim jezikom. Godine 2013. dolazi u Livno na poziciju imama, hatiba i muallima obnovljene gradske Ćurčinica džamije. U periodu od 2013. do 2016. godine radi kao sekretar u Medžlisu Islamske zajednice Livno. U školskoj 2017/2018. godini radi kao profesor Islamske vjeronauke u srednjim školama na području Livna. U septembru 2018. godine postaje glavni imam Medžlisa Islamske zajednice Livno. Hifz je učio pred muhaffizom hfz. Edin-ef. Bukvom, imamom Šerefuddinove - Bijele džamije u Visokom. Pred Komisijom za hifz Rijaseta Islamske zajednice u Bosni i Hercegovini proučio je stranice Kur'ana Časnog napamet u periodu od 12. do 27. januara 2020. Oženjen je i otac jedne kćerke.



HAFIZA BERINA NJEGOVIĆ-MUJKIĆ

Hafiza Berina Njegović-Mujkić, kći Seada i Amre, rođena je 14. januara 1998. godine u Visokom. Svršenica je Gimnazije „Visoko”, a 2022. godine je diplomirala na Odsjeku za islamsku vjeronauku na Islamskom pedagoškom fakultetu u Zenici. Proces učenja hifza je započela i okončala pred muhaffizom hfz. Edin-ef. Bukvom, a pred njim je stekla i svoje mektepsko obrazovanje. Pred Komisijom za hifz Rijasetu Islamske zajednice u Bosni i Hercegovini u sastavu: hfz. Ismet Spahić, doc. dr. hfz. Mensur Malkić i hfz. Haso Popara je 19. jula 2018. godine uspješno okončala učenje Kur’ana napamet, te time stekla titulu hafize Kur’ana Časnog. Hafiska dova je proučena 4. augusta 2018. godine u Šerefuddinovoj - Bijeloj džamiji u Visokom.



Punkt:
ILIJAS – ISTIKLAL

MUHAFIZ – HAFIZ **MR. MAID-EF. IBRAHIMOVIĆ**

Hafiz Maid-ef. Ibrahimović, sin Ramiza i rahmetli Zehre, rođen je 17. januara 1979. godine u Maglaju. Majka mu je preselila na ahiret 1989. godine, kada je imao deset godina. Osnovnu školu završava u rodnom Maglaju. Poslije završene osnovne škole upisuje Gazi Husrev-begovu medresu u Sarajevu 1995. godine. Medresu završava s odličnim uspjehom 1999. godine. Nakon toga, hafiz Maid odlazi u Medinu 2000. godine, gdje usavršava arapski jezik, a po povratku upisuje Islamsku pedagošku akademiju u Zenici, gdje diplomira 6. septembra 2005. godine. Svoje studije nastavlja na Fakultetu islamskih nauka u Sarajevu, na Odsjeku za imame, hatibe i muallime, koji završava 2009. godine. Potom upisuje magistarski studij na Fakultetu za islamske studije u Novom Pazaru, koji završava 2015. godine. Trenutno je doktorand na Fakultetu islamskih nauka Univerziteta u Sarajevu i u završnoj je fazi pisanja doktorske disertacije iz oblasti kiraeta. Radi kao imam, hatib i muallim 22 godine. U Medžlisi Islamske zajednice u Maglaju, radio je pet godina i to dvije godine kao vjeroučitelj i honorarni imam, a 2002. godine u džematu Čobe, gdje ostaje do 2005. godine. Od kraja septembra 2005. do kraja 2013. godine radi u džematu Maline, Medžlis Islamske zajednice Travnik. Od 2014. godine radi kao imam, hatib i muallim u džematu Soukbunar, Medžlis Islamske zajednice Sarajevo. Kur'an je naučio za šest mjeseci, a hifz je položio pred Komisijom za hifz Rijaseta Islamske zajednice u Bosni i Hercegovini 16. februara 2011. godine. U svom dosadašnjem radu izveo je četiri hafiza. Uči sabahsku hafisku mukabelu u Gazi Husrev-begovoj džamiji, dok podnevsku hafisku mukabelu uči u Carevoj džamiji. Od njenog osnivanja, radi u Školi hifza Muftijstva sarajevskog. Učestvovao je na mnogim „Večerima Kur'ana“, te tribinama. Pisao je tekstove, kolumne i naučne radove u „Preporodu“, „Glasniku“ i drugim glasilima Islamske zajednice. Oženjen je h. Atifom i otac dvoje djece, Nudžejme koja je trenutno studentica završne godine Fakulteta islamskih nauka i Tarika, maturanta Gazi Husrev-begove medrese u Sarajevu.



HAFIZA LAMIJA HAMZAKADIĆ

Hafiza Lamija Hamzakadić, kći Eseda i Emine Alijević, rođena je u Sarajevu 28. maja 1995. godine. Gazi Husrev-begovu medresu je završila 2014. godine, nakon čega upisuje Filozofski fakultet Univerziteta u Sarajevu. Iste godine uzima status mirovanja prava i obaveza studenta kako bi učila hifz Kur'ana Časnog koji uspješno završava polaganjem pred Komisijom za hifz Rijaseta Islamske zajednice u Bosni i Hercegovini 2016. godine. Muhaffiz joj je bio mr. hfz. Maid-ef. Ibrahimović, a hafiska dova je proučena 21. oktobra 2016. godine u Gazi Husrev-begovoj džamiji u Sarajevu. Nakon završenog prvog ciklusa studija 2018. godine upisuje drugi ciklus studija na Filozofskom fakultetu Univerziteta u Sarajevu i 2021. godine stječe akademsko zvanje i titulu magistar arapskog jezika i književnosti i magistar bibliotekarstva. Jedna je od autorica „Bibliografije radova o Islamskoj zajednici u Bosni i Hercegovini - austrougarski period” čiju obradu također potpisuje. Aktivno govori arapski i engleski jezik. Udata je i majka dvoje djece.



HAFIZA NASIHA IMAMOVIĆ

Hafiza Nasiha Imamović, kći Mersudina i Suade, rođena je 11. septembra 1996. godine u Zenici. Nakon završene osnovne škole u Nemili, kao učenica generacije, upisala je Elči Ibrahim-pašinu medresu u Travniku 2011. godine i istu je završila 2015. godine. Arapski jezik i književnost je završila na Filozofskom fakultetu u Sarajevu. Prve harfove i samu ideju o učenju hifza dobila je od svog efendije Huse Gračića. Učenje hifza kompletirala je pred svojim muhaffizom mr. hfz. Maid-ef. Ibrahimovićem. U subotu, 10. oktobra 2020. pred Komisijom za hifz Rijaseta Islamske zajednice u Bosni i Hercegovini, završila je i proučila cijeli Kur'an napamet i tako stekla zvanje hafize Kur'ana Časnog. Nasiha Imamović je Kur'an proučila za deset dana, učeći svaki dan po tri džuzua. Hafiska dova je upriličena 24. oktobra 2020. godine u džematu Kovačevići, Orahovica, Medžlis Islamske zajednice Zenica. Udata je i majka jednog djeteta. Trenutno živi u Tešnju.



HAFIZA BELKISA MURTIĆ-FELIĆ

Hafiza Belkisa Murtić-Felić, kći Safet-ef. i Ismete, rođena je 21. oktobra 1990. godine, u Zenici. Mekteb je pohađala kod svog oca Safet-ef. u džematu Gradišće. Završila je Gazi Husrev-begovu medresu u Sarajevu, a potom Islamski pedagoški fakultet u Zenici, Odsjek za socijalnu pedagogiju. Hifz je počela učiti tokom školovanja u medresi, a aktivno se posvetila učenju 2020. godine, kada ju je preslušavao njen otac Safet-ef. Nakon što se preselila u Sarajevo, hifz nastavlja učiti pred muhaffizom mr. hfz. Maid-ef. Ibrahimovićem. Hifz je polagala pred Komisijom za hifz Rijasetu Islamske zajednice u Bosni i Hercegovini u periodu od 20. februara do 6. marta 2021. godine. Hafiska dova je proučena 3. aprila 2021. godine u Ensar džamiji, džemata Babina Rijeka, Medžlis Islamske zajednice Zenica. Trenutno živi i radi u Velikoj Kladuši.



HAFIZ OMAR KUPUS

Hafiz Omar Kupus, sin Omera i Sudbe, rođen je 19. decembra 1990. godine u Sarajevu. U rodnom gradu je završio Petu gimnaziju, a potom i Fakultet za sport i tjelesni odgoj, na kojem je i magistrirao. Trenutno radi kao instruktor plivanja. Hifz je počeo učiti pred mr. hfz. Alija-ef. Rahmanom i Mevludin-ef. Čosićem, a završio pred mr. hfz. Maid-ef. Ibrahimovićem. Hafiz Omar je 12. augusta 2021. godine pred Komisijom za hifz Rijasetu Islamske zajednice u Bosni i Hercegovini proučio napamet posljednje kur'anske ajete i tako stekao zvanje hafiza Kur'ana Časnog. Oženjen je i ima jedno dijete.



Punkt:
KAKANJ

MUHAFIZ – HAFIZ **IBRAHIM ALPARSLAN**

Hafiz Ibrahim Alparslan rodom je iz Izmira, Republika Turska. U Turskoj je devet godina bio raspoređen na poslovima imama u džamiji a onda, s obzirom da je hafiz, želja mu je bila dati veći doprinos učenju hifza te je počeo raditi u Školi hifza pri Dijanetu Republike Turske. Za jedanaest godina, koliko je bio muhaffiz u Turskoj, izveo je 35 novih hafiza Kur'ana. U zemljama Balkana, S. Makedonija, Albanija i Kosovo postoji tradicija da iz Turske dolaze imami na rad u džematima dok u Bosni i Hercegovini to nije slučaj, zato što u Bosni i Hercegovini ima dovoljno kvalifikovanog kadra. Međutim, iz Bosne, tačnije iz Kaknja, došao je zahtjev za angažman muhaffiza. Saradnjom Dijaneta Republike Turske, Islamske zajednice u Bosni i Hercegovini i Medžlisa Islamske zajednice Kakanj, u februaru 2018. godine, raspoređen je da bude muhaffiz u Školi hifza Medžlisa Islamske zajednice Kakanj. Od tada vodi naprednu grupu polaznika Škole hifza koji uče hifz po krugovima. Četvero njegovih učenika položilo je hifz, a još nekoliko polaznika koje hafiz Ibrahim vodi, dobro napreduju s učenjem cijelog Kur'ana napamet.



MUHAFIZ – **MR. ELVEDIN-EF. IBRAHIMSPAHIĆ**

Elvedin Ibrahimspahić je rođen 12. juna 1974. u Kaknju. Osnovnu školu završio je u Kaknju, a Medresu „Osman ef. Redžović” u Velikom Čajnu kod Visokog. Poslije medrese je završio Islamsku pedagošku akademiju u Zenici, nakon čega završava i Fakultet islamskih nauka u Sarajevu, u julu 2007. godine. Na istom fakultetu 2020. godine završava drugi ciklus studija i na Odsjeku za hadis stječe zvanje magistar islamskih studija. U periodu od 1996. do 2008. obnašao je funkciju imama, hatiba i muallima u džematu Putiš, Medžlis Islamske zajednice Busovača, a od 2008. do danas radi kao imam, hatib i muallim u džematu Čaršijske džamije u Kaknju. U svom radu akcenat je dao na rad s djecom i omladinom. Rezultat toga je da je desetak puta bio proglašen za muallima godine kako u Medžlisu Islamske zajednice Busovača, tako i u Medžlisu Islamske zajednice Kakanj. Do sada je preko 45 njegovih učenika upisalo neku od bosanskohercegovačkih medresa. Na mjesto koordinatora Medžlisa Islamske zajednice Kakanj postavljen je 2017. godine, na samom početku egzistiranja Škole hifza Muftijstva sarajevskog, budući da je u džematu Čaršija imao sekciju hifza od ranije koja je nastavila s radom kao dio Škole hifza koju je pokrenulo Muftijstvo sarajevsko.



MUHAFIZ – DŽEMIL-EF. GADŽUN

Džemil-ef. Gadžun je rođen 1. februara 1977. godine u Kaknju. Osnovnu školu je završio u rodnom gradu, a potom i Medresu „Osman ef. Redžović” u Visokom. Poslije toga, od 2000. godine pa sve do danas, obavlja dužnost imama, hatiba i muallima u džematu Dumanac. U svom angažmanu posebno ističe rad s djecom, omladinom, te halke Kur’ana i sufare. Rezultat toga jeste da je bio proglašen za muallima godine Medžlisa Islamske zajednice Kakanj. Od 2020. godine radi i kao muhaffiz Škole hifza Muftijstva sarajevskog u Kaknju. Broj polaznika koje Džemil-ef. uči i preslušava godišnje iznosi od 50 do 70 učenika i učenica.



HAFIZA LAMIJA ŠEHIĆ

Hafiza Lamija Šehić, kći Envera i Senide, rođena je u Kaknju 22. septembra 1994. godine. Nakon završene osnovne škole, upisuje i uspješno završava Gazi Husrev-begovu medresu u Sarajevu, te Prirodno-matematički fakultet Univerziteta u Sarajevu. Trenutno pohađa master studij na spomenutom fakultetu. Hifz je počela učiti u medresi, a muhaffiz joj je bio hfz. Mensud Đulović, profesor u Gazi Husrev-begovoj medresi. S obzirom na brojne školske, a kasnije i fakultetske obaveze učenje hifza je prolongirala. Aktivnom učenju hifza vraća se upisom u Školu hifza u Kaknju 2019. godine kod muhaffiza hfz. Ibrahima Alparslana. Najveća podrška na tom putu su joj bili članovi porodice, mama, babo, brat i sestra, nakon njih muhaffiz hfz. Ibrahim i cijela Škola hifza. Hifz je polagala u periodu od 30. augusta do 13. septembra 2021. godine.



HAFIZ ISA BARAKAT

Hafiz Isa Barakat, sin Khaleda i Nezire, rođen je u Zenici 3. januara 2002. godine. Osnovnu školu, a nakon toga i srednju Elektrotehničku školu završava u Kaknju. Potom upisuje Filozofski fakultet u Zenici, Odsjek za turski jezik i književnost. Hifz je učio sa svojim ocem sve do 14. godine. Uspio je naučiti pola Kur'ana, nakon čega pravi pauzu do svoje 17. godine. Po pokretanju Škole hifza u Kaknju pridružuje se, te nastavlja hifz učiti pred muhaffizom hfz. Ibrahimom Alparslanom. Nakon memorisanja stranica Kur'ana, izlazi pred Komisiju za hifz Rijasetu Islamske zajednice u Bosni i Hercegovini gdje uspješno polaže hifz u periodu od 30. septembra do 14. oktobra ove godine.



HAFIZ **ABDULAH BARAKAT**

Hafiz Abdulah Barakat, sin Khaleda i Nezire, rođen je 14. oktobra 2005. godine u Kaknju. Učenik je trećeg razreda Srednje tehničke škole „Kemal Kapetanović” u Kaknju. Školu hifza u Kaknju kod muhaffiza hfz. Ibrahima Alparslana pohađao je prethodne tri godine, te uspio naučiti čitav Kur'an napamet. Pred Komisijom za hifz Rijaseta Islamske zajednice polagao je hifz od 27. jula do 10. augusta 2022. godine, učeći po dva džuzua dnevno. Brat hafiza Abdulaha, hafiz Isa Barakat, također je hifz pohađao u Školi hifza Kakanj.



HAFIZA **AMILA ČALUK**

Hafiza Amila Čaluk, kći Ensara i Mirnese, rođena je 11. januara 2002. godine u Zenici. Završila je Gimnaziju „Muhsin Rizvić” u Kaknju i trenutno studira islamske nauke na Uludag Univerzitetu u Bursi, u Republici Turskoj. U prethodne tri godine pohađala je Školu hifza u Kaknju kod muhaffiza hfz. Ibrahima Alparslana, te naučila čitav Kur'an napamet. Pred Komisijom za hifz Rijaseta Islamske zajednice u Bosni i Hercegovini je polagala hifz u periodu od 7. do 21. septembra 2022. godine, učeći po dva džuzua dnevno.



Punkt: **STUP**

MUHAFIZ – HAFIZ MR. ABDUSSAMED-EF. PODOJAK

Hafiz Abdussamed-ef. Podojak, sin Sejada i Hafize, rođen je 22. februara 1995. godine. Osnovnu školu je završio u Zenici, nakon čega upisuje Medresu „Osman ef. Redžović” u Visokom koju uspješno završava 2013. godine kao učenik generacije. U toku školovanja u medresi, 2012. godine je završio memoriranje Kur’ana, nakon čega hifz polaže pred Komisijom za hifz Rijaseta Islamske zajednice i dobija titulu hafiza Časnog Kur’ana. Nakon završene medrese, školovanje nastavlja na Fakultetu za genetiku i bioinženjering i Fakultetu islamskih nauka Univerziteta u Sarajevu. Oba fakulteta uspješno je završio 2017. godine. Nakon uspješno odbranjenog diplomskog rada, stekao je zvanje inženjer genetike i bioinženjeringa, kao i zvanje diplomiranog teologa na Fakultetu islamskih nauka. U toku školovanja obavljao je dužnost pomoćnog imama i muallima u Istiklal džamiji pri Medžlisi Islamske zajednice Sarajevo. U školskoj 2017/2018. godini radio je kao nastavnik u Medresi „Osman ef. Redžović” na predmetima Hadis i Ahlak. Od septembra 2018. godine stalno je zaposlen kao imam, hatib i muallim u džematu Bačićko Polje Stup, džamija Omer ibn el Hattab. U periodu od 2019. do 2021. godine vršio je funkciju koordinатора Mreže mladih Iliđza, Medžlis Islamske zajednice Sarajevo. Na Fakultetu islamskih nauka, 18. juna 2020. godine, uspješno je odbranio magistarski rad iz oblasti Kiraeta, koji je pisao o temi „Povijest nastanka i razvoja tedžvidske nauke”, i stekao zvanje magistra islamskih studija. Njegov mentor je bio kurra hafiz prof. dr. Dževad Šošić. Učesnik je više međunarodnih i svjetskih takmičenja u razumijevanju i hifzu Kur’ana, od čega su ona sa zapaženim rezultatom u Bahrainu, Egiptu i Saudijskoj Arabiji. Trenutno, pored imamske pozicije, vodi Školu hifza Muftijstva sarajevskog pri Medžlisi Islamske zajednice Sarajevo i koordinatore Mreže mladih Novi Grad. Osim toga, doktorand je na Fakultetu islamskih nauka Univerziteta u Sarajevu. Oženjen je i otac troje djece.



HAFIZ HAMZA ĆELOVIĆ

Hafiz Hamza Ćelović rođen je 13. februara 2002. u Sarajevu. Završio je Prvu osnovnu školu na Ilidži. Mekteb je pohađao u džematu Bačičko Polje na Stupu. Već u toku osnovnog obrazovanja javlja se ljubav prema Kur'anu Ćasnom, što mladi hafiz pokazuje kroz lijepo i tečno čitanje Kur'ana. Tome svjedoče i zapaženi rezultati na raznim takmičenjima, gdje je hafiz Hamza prvenstveno predstavljao svoj mekteb. Gazi Husrev-begovu medresu upisuje 2017. godine i završava 2021. godine s odličnim uspjehom i primjernim vladanjem. Hifz je uspješno položio 2. februara 2021. godine pred Komisijom za hifz Rijaseta Islamske zajednice u Bosni i Hercegovini. Njegov muhaffiz je mr. hfz. Abdussamed-ef. Podojak, imam u džematu Bačičko Polje na Stupu. U toku memoriranja Kur'ana, a i nakon toga, hafiz Hamza pokazuje ljubav prema podučavanju Kur'ana. Muhaffiz je u Školi hifza Muftijstva sarajevskog, mujezin u džamiji Omer ibn el-Hattab i pomoćni muallim u Centralnoj džamiji na Ilidži. Koordinator je u Mreži mladih Medžlisa Islamske zajednice Sarajevo. Trenutno je student druge godine Fakulteta islamskih nauka u Sarajevu, studijski program Islamska teologija.



HAFIZA IMAN SILAJDŽIĆ

Hafiza Iman Silajdžić, kći Fuada i Zahide, rođena je 3. januara 2003. godine u Sarajevu. Završila je Osnovnu školu „Čengić Vila I” u Sarajevu. Učestvovala je na mnogim takmičenjima iz Bosanskog, Turskog i Engleskog jezika, te Islamske vjeronauke. Uporedo s redovnom osnovnom školom pohađala je i Osnovnu muzičku i baletsku školu „Novo Sarajevo”, gdje je naučila svirati klavir. Naravno, bila je i veoma uspješna polaznica mektepske nastave u Istiklal džamiji. Predstavljala je svoj mekteb na takmičenjima iz Kiraeta I i II, jer se isticala u lijepom, tečnom i pravilnom učenju Kur’ana, gdje je ostvarivala zapažene rezultate. U mektebu se javila i ljubav prema Kur’anu. Kur’an počinje napamet učiti prvo pred svojim muallimom dr. Abdulgafar-ef. Velićem, a potom svoj put hifza nastavlja zajedno sa svojim muhaffizom mr. hfz. Abdussamed-ef. Podojkom, pred kojim je i okončala svoje memoriranje kompletnog Kur’ana u prvom razredu Medrese. Svoje obrazovanje je nastavila u Gazi Husrev-begovoj medresi, koju ujedno i završava 2022. godine s odličnim uspjehom i primjernim vladanjem. Nakon dužeg perioda ponavljanja i spremanja za izlazak pred Komisiju za hifz, u periodu od 13. do 27. decembra 2021. godine je uspješno položila hifz pred Komisijom za hifz Rijasetu Islamske zajednice u Bosni i Hercegovini. Trenutno je studentica prve godine Stomatološkog fakulteta Univerziteta u Sarajevu.



Punkt:
VOGOŠĆA

MUHAFIZ – HAFIZ **HIKMET-EF. DŽANKO**

Hafiz Hikmet-ef. Džanko rođen je 23. juna 1976. u Dortmundu. Završio je Fakultet islamskih nauka Univerziteta u Sarajevu. Hifz je položio 2004. godine, a muhaffiz mu je bio dr. hfz. Dževad-ef. Hrvčić. Trenutno radi kao imam u džematu Donji Velešići u Sarajevu.



HAFIZ SAMI BALAŠ

Hafiz Sami Balaš, sin Senada i Bibije, rođen je 17. juna 2008. godine u Sarajevu. Učenik je Osnovne škole „Zajko Delić” na Kobiljoj Glavi, a mekteb je pohađao kod Vehbija-ef. Makića.

Hifz je počeo učiti 2016. godine, a kroz put memoriranja Kur'ana ga je vodio hafiz Hikmet-ef. Džanko, kao muhaffiz u okviru projekta Škola hifza Muftijstva sarajevskog. Hafiz Sami je dvanaesti polaznik Škole hifza koji je kompletirao učenje Kur'ana napamet. Pred Komisijom za hifz Rijasetu Islamske zajednice u Bosni i Hercegovini je 29. juna 2021. proučio posljednje ajete čime je stekao zvanje hafiza Kur'ana Časnog.



HAFIZ DAVUD ZEĆO

Hafiz Davud Zećo rođen je 17. augusta 2009. godine u Sarajevu. Devetnaesti je polaznik Škole hifza Muftijstva sarajevskog koji je kompletirao učenje Kur'ana napamet. Učenik je osnovne škole. Hifz je učio pred hafizom Hikmet-ef. Džankom, voditeljem Škole hifza na punktu Vogošća. Hifz je učio oko pet godina, te je jedan od najmlađih hafiza u Bosni i Hercegovini.

